

T 5422/7671.2

13

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 10 1941

THE UNIVERSITY OF CHICAGO  
LIBRARY

白鶴集卷之十四

書九

與邢子愿

東海徐世昌書

子愿邢先生有追起生自楚要得書言讀之惻然宛  
至故驛津津金石不滄且名實精理字字皆夜  
遊人佩以無數來書云竊恐道心之損不於今日而  
於西湖色空空色或不免焉鳴篋中詩論下不屬  
然雪堂新刊也深以與人隱微之矣豈能不使留書

白榆集卷之十四

哈佛大學漢和  
圖書館珍藏印

東海屠隆緯真著

書九

與邢子愿

子愿邢先生有道趙生自楚還得手書讀之綢繆宛  
至故驩津津金石不渝且名言精理字字寶筏引我  
迷人佩以無斁來書云竊恐道心之損不於除目而  
於西湖色空空色或不免鸚鵡籠中背誦了不關一  
點靈臺斯言也深切學人隱錮之疾豈維不佞當書

白相集 卷之十四  
歷右洵可永作千古慧炬尼珠初祖西來意不立文字見性成佛六祖本來無物竟悟禪那妄識盡捐靈光孤露安事萬卷千經後世聰明士大夫博綜古今多記教典譚玄說妙倒峽懸河通不理會真元識見逾多性靈逾障絕似唐宮中雪衣孃日誦波羅彼寧渠識波羅爲何物所以譚者如雲百無一得如子愿云云切中今士大夫錮疾且向未聞足下皈依大乘禪而吐論了如出黃面瞿曇口何以故當是乾慧宿根不佞奉道以來自知非超悟上根欲以苦行實修

漸次拔滌精心嚴律向極操持不幸身作計吏繼轉禮官屝履泉奔塵緣蝟集不能力執欄柄律因緣破心逐境遷其爲退墮何疑二六時中從苦海時時返照時時悔咎緣去稍清緣來復愆四大業落苦海前浪推之後浪疊之遂無一刻不是紛囂境倏照倏迷乍離乍合一日十二時有萬天堂有萬地獄焚心痛骨真無可奈何每一念至便思身挂衲衣手提應器飄飄舍衛栖遁叢林而母年九十高妻孥幼小莫可脫離近去雞肋遂謝馬蹄自失頭上冠奔走官人者

掉臂自貧無阿堵競錢刀者滅影自遭讒蒙詬附虛  
聲者不來門如水矣頃以是得剗心息累專氣壹神  
嚴奉律制力收散亂近者蒙聖賢愍念苦心得非常  
異證遂發雄猛益事苦修益鈍根之人不得不如此  
將來究竟尚未可知然一切塵緣則斷盡矣去年足  
下與不佞約作泰山主人不佞以此願未了頗置方  
寸顧念道心方復定力未成恐一出門便逐腳跟轉  
自春入夏禁足小樓計將以初秋一走宣城弔叟友  
沈君典便乘興渡江訪兄之下濟上又苦貧甚不能裹

糧終當以一託鉢往耳足下又云非久且挂神武門  
冠婆娑靈巖日觀果然不一代才子鳴琴之政惠滿  
南宮持斧之風聲高東海於子愿足矣世寧有不散  
歌舞筵邪所願達人回首去妄尋真過眼繁華雷光  
泡影歸根結局此道貴矣維我子愿深念之數千里  
遣使寄此區區別楮所陳更希鑒亮

荅方衆甫

與足下別三見蕙草綠矣花縣飛觴蘭省促邾故驪  
杳然客歲將毋南還不能遠赴使君期至今勞結束

白梅集 卷之十四 三  
郡遇徐孟孺同尋太白酒樓蒼茫揮手頗不盡踟躕  
情舟甫渡揚子欽之君策孟野重甫相繼操單舸來  
蕩槳乘流論心累日直至西湖相共看荷花臨江而  
別了不作兒女子悲此之暢敘乃足豔想初入里門  
猶有父兄三老年相過慰勞久之履綦遂絕墻戶  
蕭條小樓前有隙地盡種花竹僅半歲便已扶疎披  
襟散帙坐茂樹就涼風不復知此身安頓在何處南  
郭子綦所謂嗒然吾喪我想政是僕此時光景家居  
貧甚三旬九食庶幾近之謀生計拙委心聽命不能

與造物爭權僕本是太白賀監放浪人今顧返而學  
鑿坯灌園者谿刻自處不飲酒不茹葷脫粟一盂苦  
費馬齒竟以斷送餘年足矣邇來自覺道念長進爲  
聖賢所愍頗有殊證遂能剗心遣累壹意辨生歿大  
事其爲福利大矣又安問其他足下清真出自天性  
爲吏故當超超玄著不染世味士大夫要須識得此  
一段境界世法世出何往不宜老母今年八十有人  
神明不衰荆人固窮可方鴻妻萊氏兩兒子初學句  
讀大能伊吾唐人五七言詩日可十數首他日解把

白梅集 卷之十四  
阿爺遺經殘卷作老措大卽足不必擔世榮如昔人  
必欲高其門第僕以爲猶然世俗心不達耳足下覲  
還郡中間僊眷業又北去何必官人爲官人婦亦奔  
走碌碌如此小詩四首奉寄卽取數聯別書薄蹄可  
懸之官舍幽人之語恐不稱官人累承指俸故人義  
高何以爲報

再與子愿

天下事有不敢言者大足厓漆室憂仁兄身兼數器  
張乖崖救火人乃令轉馬曹邪世事可知矣岱宗之

下可以樓遲功不挂雲臺名不可垂丹臺石室乎計  
行李從楚澤還此時政入里門坐涼風臨水亭單衫  
白帽把碑礫看荷花便是蓬萊僊伯顧何如驅馬黃  
埃中流汗浹體也弟以去年九日後始歸自西泠家  
有半畝宮小樓前餘隙地急栽花竹數株今年遂已  
扶疎閉門卻掃儘可逍遙獨無奈史雲之甌生塵矣  
弟爲令廉又好急窮卹難官舍常無隔宿糧以青浦  
入覲事竣而南行囊罄矣分聊城傳伯俊裝乃得抵  
家抵家數日卽得儀部報時有四壁在不能治北行



遷延半歲業罷棄雞肋物勾吳故人聞而爲治裝始能入省居都下長苦東方生乞米狀客在座貫酒大都倚辦細君簪珥及圖書鷓鴣裘腰下僅有一銀帶急時銷付酒家長安相知作銷帶行記其事蓋一旦罷蘭省困可知已今則藜藿不充三旬九食先君子在淺土二十餘年尚未得大歸僅有江上盈尺地無從備石槨與九十老母相共啖脫粟猶然不繼誠無面孔仰戴天日四明窮海絕地非貧子所宜居故人賓客相見大半鬼柳榆兒吳中故人秦君陽公子力

勸弟做梁伯鸞故事移家梁谿蓋爲問田廬小具而父旣未葬母年又高不能旦暮徙居之弟又苦心學道不問家人晨炊頃蒙聖賢夢境證度益以遣緣息累壹意精修以仁兄觀弟志行若此者恐終須是此路上人今世一切都無論矣獨苦老母妻孥無可託者辱仁兄見念深累許捐貲爲弟買山業有成約遣使相存逡巡歲餘未遣何也人間世猗頓陶朱不少患不高義高義者或身是黔婁仁兄兼此兩者而又與弟講金石之好傳大士龐老功行願仁兄努力施

一惡人不如施一路人施一路人不如施一善人功  
當相萬弟既受仁兄恩亦不得茫無所報負此幽冥  
業債爲轉輪根因力勸兄蚤回頭向大道所以報也  
敬遣家諸孫震奉請仁兄幸無爲德不卒儻使至而  
兄不在家震不能待見弟此札後可遂以信使來弟  
交游滿天下獨以八口投仁兄其故可知已漢宣帝  
黃龍元年鼎一枚奉去焚沉水香讀二氏書此鼎已  
經吳越間博雅者多人鑒定真漢物非贗震郡諸生  
以父憂涉遠道足下幸善遇之間濟南多清泉白石  
富得一訪仁兄出處大致幸以語我

與李濟南

不穀挂冠南下吳中交知獨明公信使遠存不遺故  
簪棄履義高於古人不穀往居青谿明公宜不在後  
車數內今日見顧特異常流人倫鑒若此宜其及也  
不穀兩爲令實操水霜苦心又好以俸錢急窮周困  
官舍居恆無隔宿糧一旦以無罪罷蘭省困可知已  
將母南還四壁尚在僅有負郭十七畝江田多爲斥

凶僕無年三旬九食殆無以過先君權厝二十餘年  
尚未歸土母年九十不辨甘毳誠無復顏面仰戴天  
日而不穀又好剗心學道還山以後一切俱空獨苦  
家人蕭然無生計將棄去不顧滅迹深山則人道有  
缺遂眷此環堵浮沉世諦則石火可傷坐使物外之  
人進退維谷古人云廉吏安可爲也近且以八口遠  
託臨邑邢子愿不穀與邢君無生平往歲以計吏在  
長安偶集朱汝修宅邢君走一介託友生求見不穀  
時邢君已將有持斧三吳之役不穀謝不敢見邢君

少選至奈何以一雞助物驕天下士邢生僉父哉及  
命未下第講交游禮不穀慨然起世乃有大雅若君  
卿僕安可過自局促而不以成君高長揖據上座長  
安以此兩賢之自後不復相見往歲不穀以無罪去  
國屬子愿以楚藩督餉抵山東所至問屠長卿安之  
免官不論吾知其母老家貧無擔不何以爲生吾且  
捐俸爲其買山不穀深心德之而信使未至今聞其  
轉馬曹還里乃遣家諸孫震往以八口累邢君不穀  
旣修淨業第得稍免內顧憂卽飄然長往空山枯寂

白梅集 卷之十四  
矣念今世界有高義若邢君及足下烏可使之泯沒  
無聞故特爲留此字人間又以明公爲此君邦大夫  
遂以奉聞聞邢君亦且有林泉意部中得士若此敢  
爲使君賀所患子愿不在家去使恐餒於路幸使君  
念之新城張令僕同門年友老成閱達蘭谿之政卓  
然并幸留念

與秦君陽

去冬曾遣一使修候時丈尚在長安入春來舍中絕  
蹙然之音無從問丈踪跡所向弟又枯寂習嬾久缺

起居此念往來起伏無已時眼前浮雲得失丈得無  
芥蒂胸中邪世界事偶然而聚偶然而散聚不知所  
來散不知所往海漚空花都無堅牢形骸軀殼生豈  
一人大地山河今非一主當其得來怡然而喜當其  
失去悄然而悲一旦形散神離得失何物浪憂浪喜  
總屬妄因譬如夢得寶珠覺不在手夢離兵刃寤乃  
虛怖漢祖唐宗竭英雄一生精力收合散亡山河入  
掌受用幾何轉眴煙冷棄捐宮掖拋擲山河卽黃金  
爲棺寶玉爲殉與皚皚白骨了不相關生前得失浪

生憂喜時移事往祇有悲涼人方在憂喜之中不暇  
論到悲涼之境稍一提醒回頭萬念灰矣萬物芸芸  
各有賦命君陽身為貴介家有負郭美衣甘食僮奴  
滿前世界中人試等君陽而上勝君陽者能復有幾  
等君陽而下不及君陽者何限見幾知足斯為達人  
區區雞肋小物丈當不以留之胸中如弟一旦以無  
罪去頭上冠家徒四壁其為窮愁宜何如而弟未嘗  
一日失道逢誠知此分矣近則剗心學道已作枯禪  
蓋以弟身實際語奉告非敢孟浪幸見原察頃有人

自京邑還云足下於春間暫還鄉山想抵家已久敬  
裁此牋奉訊無恙作此書因念及京邸周旋古人所  
不能為每對士大夫媿媿便凄然欲泐學道遣情此  
情尚未能遣去使與山東邢子愿使君有約故弟業  
逃身物外獨苦入口無依移家梁谿初心不改弟以  
老母結念諸子姓難以一朝風然客歲過梁谿亦以  
丈不在無主者行抵四明生計都絕無從向市上人  
乞斗米一錢糲飯苦菜僅足延生有時不給神氣自  
旺何者腹中無食心頭亦無事也新秋決入梁谿晤

足下盡吐胸臆先此布問太夫人夫人想各多福

與張新城元鼎

仁兄遂領海岱名邑正大賢展布胸中時揚聲策勳  
當更高於江南治狀吾道幸甚弟以踈迂得過當路  
仇家乘之謗讟爲祟遂爾挂冠仁兄標名雲臺不佞  
弟栖神巖谷出處不同喧寂殊致爲龍爲蛇亦各安  
其所矣杜門息緣了與人世隔絕屬以人口託臨邑  
邢子愿特遣家諸孫震遠赴邢君而弟貧如范史震  
不能爲去使治往返糧所慮子愿萬一不遇諸孫且

爲中途餒鬼故以此字付之子令其蒲服謁足下幸  
少濡沫之弟兩爲令力持水霜又好以俸急窮交卹  
苦難今日坐取顛躓雖謀身太踈落拓可笑我其人  
亦可念矣足下問故人近狀業作蒲團上苦行頭陀  
邢君許卹我人口且遂入四明雪竇最深處數字爲  
念不及其他

與李使君

足下同之文浮海朝大士可得見聖燈佛光否揚帆  
采石華挂席拾海月壯遊自佳恨僕不得同行然閉

室焚香修三觀無時不見妙相領潮音胸中故不乏  
溟渤矣海上初回便入山尋石牕瑤草足下遊興勃  
勃如此使宗少文終媿尚平子病足不能走晤神爽  
爲飛

報元美先生

元美王先生有道門下不佞某得先生手書者三得  
詩一缺然無一字奉報者有故某東還後發弘誓願  
屏除萬緣及海內交游竿牘又不欲生分別想故於  
先生處亦遂罷問訊又以太原公方在熱地尤不欲

通婁東信匹夫取介過矣頃林居數聞先生拳拳見  
念遂瞥爾動心冬月辱汪伯玉司馬見約以今歲花  
時相聞會於湖上同如吳門訪先生曩頗不能自堅  
許與西行乃春來司馬使負約不至某亦遂禁足不  
出門矣欲了宣城哭沈君典宿心會家居貧甚不能  
裹糧獨負良友下泉深以爲恨某兩爲令懷冰霜苦  
心又好以俸錢急窮濟困官舍長無隔宿糧乃今之  
爲黔婁萊蕪可知已日與老母啖脫粟苦賣及馬齒  
竟細君嘗病痞至無一文錢向醫師取藥物相視而

笑病亦尋愈困時以方生墨三觔貨之舊識餐介子  
易子母錢徧歷數家不售竟返故篋薪粲有時不繼  
絕不向人口及三旬九食業與家人以定力持之介  
母萊妻了不作嗟怨非惟不出口吻亦不見眉端所  
得苦中之趣如此既失進賢冠又貧無阿堵親朋不  
至蓬累之門竟日不啓始覺耳目神明乃為我有萬  
念都灰冥心此道近頗得證驗益助勇猛間中既無  
一事相關無以送長日稍取三教之理參其同異尋  
其要歸著為一書頗為此事染着亦屬理障今亦將

完矣尚未敢出終當請教先生先生邇來起居何似  
大事因緣想已了當幸教下根之人令弟敬美先生  
在仕路能不忘道念作火宅蓮花活計不令子固伯  
讀書何處聞諸郎風氣日上可不挂有道胸懷以嚮  
往一念草此荒牋遣老奴奉訊維先主鑒原四方向  
先生乞文字者如雲僕不能以賣文取一斗米先生  
罷於津梁矣有可令走四明假手不佞者乎幸留念

與汪伯玉司馬

首夏作一書取三教之理詮次大略求先生印可力



不能顛遺一介蹉跎至今某頃已剗心遣緣力修上座之業君平棄世世棄君平有身之累都盡矣閒中無以送長日以經世出世二義者爲一家言業已垂成尚未敢出當虛心請教先生矣聞杖履從吳門走梁谿入長干由采石渡江取道謝家青山弔沈君典不審何日返三天子都某久負宛陵之約慙愧良友下泉蓋緣不佞邇來貧益甚不能治出門三日糧惟有禁足小棲討求性命大事而已此月望前後將決計作宣州行行則尚方圖與先生一會隆所著書多

天壤間最大事間出古人未道語竊妄意作今代未有書四顧寥寥獨念先生某千秋知己故欲手此書急走新都面受大教往辱先生許爲某刻白榆集如已命工則卒成之若猶未也幸遂已其事何急而爲人謀覆瓿之具弁州先生一寄詩三詒尺牘某都無一字爲報弁州得無督過深乎息交游謝竿牘欲斷自婁東始以太原公方在熱地世人趨婁東者益以如雲不佞耻之故不欲和聲附影蟻慕羊肉然聞弁州見念彌深知已索我寥寥廓之外矣嬾不及修問仲

白梅集 卷之十四  
淹伸嘉兩令弟幸道某本懷寓書者爲敝鄉胡生來  
臣溫美士惟先生一盼

寄王荆石閣老

射陽湖舟中得奉至教句句肝腸言言精理洵不肖  
某終身膏弦佩以南還靡間晨夕某於人間世實無  
所好恬於進取委心安命用拙忘機不幸以雕蟲小  
技偶竊虛聲爲當世耳食人所暱就某又踈中熟腸  
操行都無崖異將迎龐雜取忌招尤不肖葢約已豐  
人捐身利物時時爲天下人種福結緣而此身都無

毛髮利於天下遠聽不察見形生疑似是多慾多事  
穢溷塵堪中人無論悠悠行路不鑒深衷卽季札披  
裘尚屬皮相其爲物在何如介推有言身旣隱矣焉  
用文之某自抵家痛自刻厲日念至人之訓杜門息  
影歸於苦空亦幸以旣賤且貧世情人絕迹不至泥  
坦墻戶盡日無屢綦聲得壹意剡心伐毛洗髓討求  
淨業緣患鄙苦行爲聖賢垂愍夢境證驗此後便能  
剡累遣緣益助勇猛粉身碎骨不敢退墮此志矣所  
吾范萊蕪之貧三旬九食藜藿不充介毋萊妻甘心

無怨一家悉知皈依三寶庶幾類龐居士家以此畢  
俞生足矣古人有云君平既棄世世亦棄君平物外  
之人與人代長絕了不復交關故知乃先生方在當  
路尤非野人所宜通所以不修寒暄一字者易歲矣  
適敝郡秦司理北行譚及真人紫炁遂爾動念某以  
肖翹微質獲蒙曇師收錄門牆乃坐仇詬大玷師門  
罪廢以來刻意煎滌顧先生之所日夜望不肖之自  
新者何如不得已故敢粗述不肖近履仰慰拳拳乃  
若曇師在天之靈則天眼洞觀悉矣無生之理稍窺

有身之累都盡某於人世亦復何求要須知區區此  
訊斷非有所望於先生者亦以不能忘曇師之德耳  
勉旃先生努力三事上清功行正在此時願和中平  
氣以天下萬世心處事待物傳說比於列星魏公終  
歸紫府余小子不勝願望欣慰請從此謝故人幸勿  
復爲念敝郡秦司理滿胸中一片陽春海上爲理六  
年仁及窮檐茹屋於其行父老子弟萬人奔走如赤  
子之失慈母爲吏如此中古所無先生至性善善心  
長敢附以聞餘不敢及

與王恒叔

李生走天台謁甘使君時不佞偶有小兒崖略數字  
爲寒暄而已無何大悔不佞與仁兄生平道義之雅  
何如經年修問胡得草草若爾一入塵緣便有乖迂  
此弟學道不得力處不佞自入春以來杜門禁足絕  
不輕通賓客亦以四壁蕭然世情人不至坐臥小樓  
修頭陀行足下書來詫我以台雁之勝使道民津津  
復動褰裳濡足之念來札更云欲訪弟四明雪竇間  
不佞此月初旬暫走宣城弔沈君典太史且間道一

看九華涉狄浦尋金竹山觀世音新道場計以重陽  
前後了台雁之願與足下把臂入林乃聞杖履有東  
來意遂持兩端非足下急航普陀則不佞先渡石橋  
孰先孰後專俟後命書辭致疑於語既究禪觀更講  
還丹以爲此不無矛盾至所稱觀火之說剖析三教  
深微玄朗至哉斯言又謂佛則真性常存空無所待  
僊則渣滓猶在犯形必毀如已究禪觀乎則靈光千  
劫何假九還如更講還丹乎則尚涉有爲安見真性  
語良是矣不佞亦知之第不佞寡昧見後世三教之

徒各立門戶互尋干戈所謂與媾爲鬪末法參商竊以爲三教之理同堂共室儒者順性命以還造化義存沒寧道家煉性命以齊造化理完不歿拂氏悟性命以超造化妙在無生儒所謂明德道所謂靈光佛所謂般若其道一耳特入有三門是名三教儒爲在世法二氏爲世出法道凋三光佛超萬劫此其不同也所云佛悟性而長存道犯形而有壞乃是命宗之人以長生爲事用坎離鉛汞鍊已築基河車轉運火候抽添分主賓按子午存口訣談下手煉形修命結

丹成胎此全是有爲之法爲長生度世而設以命起因亦以命證果所以礙形氣而往來與天地而成壞楞嚴所指十種僊人胥是物也不知道道門亦有上乘廣成標其窈冥柱下發爲虛靜無爲自然直悟真性而精自然化炁炁自然化神神自然化虛此都無火候藥物之名運用抽添之事性徹而命自超此所謂還丹卽佛氏之見性與道門轉丸之丹迥異矣文始經云見精神而久生忘精神而超生夫見精神而久生命宗修長生者是也忘精神而超生性宗修大覺

白木集 卷之十四  
者是也命宗之僊拘形滯氣報盡還來性宗之僊入  
聖祿流與佛同果君不聞西方金母與觀音大士虛  
空之中時時同在一處所而重陽七真及吾曇陽大  
師皆從僊悟佛以佛修僊乎足下今第修無上菩提  
見性歷劫則不必講還丹而般若卽丹不必求長生  
而永劫不壞是也乃不佞方要三氏之指歸著太函  
之定論則不得不立論爾要之僕之安身立命處亦  
惟大覺金仙也雖然實修實證不落言詮頓悟法門  
則無所住而生其心慧能以一言了道安事啾啾入

葛藤窠曰不佞願與足下勉之足下清真簡澹道器  
卓然弟疎愚落穆人於人間世一無所好獨以平心  
熱腸爲物情所歸坐取紛溷近者痛自剗除遂能返  
於簡寂一身之外都無長物居貧晏如從此修持庶  
幾得見自性大事因緣須與足下面作商量非筆札  
可盡聞足下廬墓所有清谿好山茅屋數間沙上鷗  
鳥煙中雞犬大有幽居之趣令人結想三之日作此  
書下春卽作虎林行馮開之信來政待僕西冷六橋  
上足下如欲相會可急策蹇以至弟於虎林當有十

日留不能出門請示東來的期且遲子候壽落伽間  
矣因甘應溥與弟有約遣力詣之恨前書潦畧致有  
此冗語雖犯能仁氏綺妄之戒亦足以見不佞繫心  
仁兄若此之薦至矣甘君爽剴通儒士與足下論心  
譚道相得可知吳生流落公子以尋子來見足下病  
還足下乃不忘情於一見逆旅人贈金甫至之明日  
而吳生卽從西陵來蓋其遊困甚夏衫破盡面目枯  
槁得足下五金遽覺蘇蘇有人色菩提心冥感乃爾  
弟所著經世出世書業脫稿三本會紹興陳立甫司  
理見而強携以去未得奉教如之何弟此書成便可  
做世間無事人矣

與甘應溥

不穀自黃冠入道以來自分人外人禮數旣損野性  
轉薦孛生草草告行率爾寓書荒鄙無狀仁兄不卽  
加督過更荅以溫言直陳胸懷居然長者通儒度不  
穀閱盡世人獨念沈宣城高才俠節靈心熱腸當其  
家食數千里慕義赴之如雲一旦遘危疾鄉父老子  
弟遍走郡望願以身代者無算其品如此仁兄知之

深矣徒以草疏一節取忌江陵承望風旨者幾構竒  
禍君典過於懲創遂謀稍逃於酒色以自污嘗與弟  
吐此深衷弟不然之郭汾陽功高位重不得不爾子  
無汾陽之勞而有相如之累子所自託人卽舉以爲  
子罪禍本在此矣君典聰明絕世豈肯向火坑中作  
活計者不幸天不祚貞良溘焉早世使悠悠此疑千  
古不釋是弟之所爲君典痛心疾首也頃仁兄方爲  
亡友白此疑枉而傳聞稍僞輒嗷嗷向仁兄置論可  
謂忠於事君典闇於知足下然寧負甘君不負沈郎

僕之心也不穀以仇口挂冠家徒四壁介母萊妻相  
共貧苦三旬九食殆無以過坐是久不能裹糧千里  
哭君典青山抱此長恨數日內且勉強出門一修白  
雞絮酒之敬於君典重陽前後或得杖策入天台望  
見賢使君顏色耳又聞于旄將有四明之役恐弟未  
回無從伏候軒車委巷奈何台宕之願終須酬之業  
與王恒叔約矣

與蘇君禹

不佞弟自去秋將母南還杜門滅跡青苔黃葉滿貧



家履綦寂然盡日枯坐可謂世外間人矣無事出門  
海內交遊竺牘并廢追憶湖上畫舫茗椀綦枰蓮房  
奕實徘徊六橋三竺間恍然隔世事兀坐齋頭時時  
結想故人抵掌千秋清言娓娓屬按部行役歲無寧  
居野人久不敢以寒暄常語仰洞清嚴仁兄當能寬  
我形骸之外友人沔陽陳玉叔書來力勸弟修名山  
之業著經世出世一書以成西蜀趙文肅公未就餘  
志夏日山居無事業成此書亟欲請教大雅恨足下  
方在嚴重地未得自達耳適辱甘應溥使君入行遂

前荒牘託應溥郵致左右一寫積懷臨風瞻迺

荅胡從治開府

暹不穀待罪蘭省與足下都無生平歡先生則載幣  
械書千里走犍兒闕下定交不穀豈豐城獄中神物  
乎何望氣而知其人也及不穀橫被仇口以出先生  
則又馳咫尺之書且并爲治南還裝書辭慷慨至恨  
不得伏闕抗章以明東海小臣無罪寥寥千秋義高  
寒朗不穀抵四明山中甫及食新而汾代之使又在  
門矣蓋至今兩面孔尚未相對雖古稱神交何有若

此者不穀珪冠以來生平椒蘭相許往往化爲艾蕭  
張謂有言縱令然諾暫相許終是悠悠行路心而先  
生之用意乃若爾求之於古未見其人壯士急知已  
夫斬衣沈族何足以云惜也不穀六尺孀然弱女子  
狀又黃冠入道矣少年英雄之氣灰矣無能爲豫讓  
荆卿之報雖然先生義存王孫爾其見趣寧出淮陰  
擊絮媪下哉不穀之坐困也以細人而其見收也以  
英物當世賢豪長者爲高義亦尚不少而獨念先生  
者古人所難若然不穀可以托於天壤矣不穀有胸

懷之言難與世人輕吐伏計先生用意在古人之上  
故遂披露無復隱不穀束髮蚤慧讀書十行俱下爲  
詩若文模古人則古人寫胸臆則胸臆之而已神  
無所不詣法無所不稟爲人寥廓踈朗以六尺爲天  
下死而毛髮無所利於天下長爲吏千里號神明持  
身若冰愛民若子好善若渴一日十二時中無一刻  
不悄恍見上帝神靈上帝神靈亦監臨胥蟹有嗥輒  
應慨然思以縣令起家作功名如范蠡五湖子房赤  
松李長源一動天文足矣不謂時命乖謬當事者以

仇口見罷而非其罪此念遂化冷煙急理雲霞舊業  
悼頭撒手便作世外人剗心息累了人生一段大事  
因緣脫之紅塵還其青山落籍雲臺挂名石室造物  
之意將在此也今業行見其效矣獨以不穀爲吏時  
厲志太苦一旦黃冠加首貧過菜蕪而母年八十有  
八妻少子幼頃頃欲棄家入名山洞府而不返而母  
妻牽裾揆之人理不可棄去尚爾依栖環堵殊非本  
懷誠得負郭百畝之田上奉老母下畜妻孥無媿人  
倫乃合天道此世界無可托者遼陽開府顧益卿往

歲許爲不穀買山想以兵事嬰心忘之耳欲走一介  
詣顧使君貧士力不能治遠行裝且聞白衣人出關  
有禁今修一札奉從治先生煩先生爲不穀特遣一  
力直抵遼陽致不穀書于益卿所令益卿遣一力直  
抵四明不穀第得百畝之田則在世世出兩大事濟  
矣以先生風格當慨然爲不穀任此無疑儻先生遂  
欲分取益卿仁義更善非所敢望矣作大檀越成欲  
一黃冠道人此是上清功行兩君子勉之益卿奇男  
子意氣肝腸不減足下今日令故人作此舉止此當

輸君一籌矣往僕兩爲令水蕩其操無論推俸錢以  
急九族貧交惟恐不及官舍恆無隔宿糧今日數千  
里仰食故入所謂遠望西江之水大都索我枯魚之  
肆爾雖然不穀形枯神不枯一點靈光自信歷劫無  
壞經年禁足小齋習靜修觀長日無事偶取經世出  
世二義作三教玄同一書旁及山川辭賦幽人寂士  
大抵作清冷致語讀之欲使人心骨俱暢者將成矣  
而爲新都汪伯玉司馬相期西湖再至而會王季孺  
六史持節至自桑乾云與先生大修平原十日飲快

甚坐間蓋無日不念道人泰山邢子愿年少有心人  
翩翩才藻與不穀有日觀之約便思衲衣托鉢一度  
黃河捫岱嶽直走雁門出汾晉訪先生塞下續王生  
舊歡奈母年春秋高理不可遠出徒矯首望關門紫  
氣結念如何先生一代詞人詞人多偃蹇流落先生  
今開府擁旄豎功名西北此文章家稱命達矣蓬萊  
三山近在君家宇下顧何日歸訪安期羨門僕曾與  
先生約他日請徑走登萊相共尋海上靈藥瑤草第  
聞胡先生一朝解印綬謝人間事去僕則提應鬼出

門矣學道之人久不作冗長語爲先生破例亦以深  
情所寄不覺津津諸惟先生亮在

啓

上吳門相公啓

代作

伏以天道高明歸神功于八柱聖謨宣朗資哲輔于  
三台曉入彤闈日麗黃扉之色宵還禁直花黏赤寫  
之我身登鼎鉉平泰階之六符手握斗杓奠皇圖于  
萬葉乃忠良之上伐亦儒者之極榮恭惟老相公老  
師閣下少號聖童秉動靜方圓之詰夙成偉器爲文

章禮樂之宗東吳麗藻代有聞人南國英靈茲焉獨  
冠家住具區澤國才吞碧浪之聲境移林屋洞天語  
秀青霞之色玉瓚黃流德器瑟焉溫朗泰山喬嶽風  
稜屹矣端凝臚傳而太史占雲蚤擅崑山片玉賦奏  
而至尊擊節何誇璧水羣英年踰四十朝野之望獨  
隆位正三公調燮之勳斯赫玉貌朱顏步出而宮花  
俱映金章紫綬坐來則庭燎相輝文武並用廻萬國  
于陽春忠智咸宣弼一人之聖德宇宙古今際此千  
萬百年極治之象薄海內外咸頌二三元老碩輔之

白木  
卷之十四  
其  
勲自殷周而還于斯爲盛卽詩書所稱何以加焉某  
衡茆賤品襍線微材揣分量能乏匹夫之淺智乘時  
微幸忝君相之宏恩溷迹班行技慙鼯鼠濫竽侍從  
文謝雕蟲乃因過分之榮遂遭非意之疾水宿山栖  
一無足錄君恩師義兩未能酬登西巖而占象緯知  
帝星台座之休明依北斗而望京華柰煙水雲山之  
邈絕犬馬至微尚知帷蓋之報江湖雖遠敢忘廊廟  
之懷謹以天書仰于台聽人難縮地語不宣心某不  
任云  
云

上江陵相公啓

代作

伏以帝恢至理在翼貞良天產上材借靈嶽瀆三台  
四輔躬赤舄以匡時北斗南箕佐紫微而布令故風  
牧克相軒后則皇國夢彼華胥夔龍仰贊陶唐而泰  
運旋登沕穆德配神明華夷歸美功存亭毒竹素流  
光恭惟老相公老師閣下上智超凡至人秀世當五  
百歲之昌期應風虎雲龍而翊運產六千里之大楚  
滙荆襄漢沔以鍾祥衡山昔莫九州稟炎帝祝融之  
氣太和今冠五嶽借玉虛師相之神是用占清班于

妙歲矢忠智而出入三朝輔 今上于冲年受顧命  
而調和四海佐真宰以平泰階開日月星辰之運執  
斗杓以酌元氣會陰陽風雨之時東夷重譯輸珍寶  
于闕庭北虜望風走降王于輦道萬國享登臺之樂  
一夫絕向隅之聲卽詩書所稱何以加自剖判以來  
所未有某洩渤下材誤入藥籠中物擣踈賤品偶占  
桃李餘春學慙吐鳳補袞職媿無其能文乏雕龍玷  
清華實非其分頃因狗馬之病遂邀麋鹿之期顧葵  
藿微情久傾向日奈青柳屏質尚爾從風竊念 聖

主獎拔之仁復想老師教育之德君恩師義總屬高  
深野宿林居殊懷慙悚抱煙霞而偷逸雖屏青山瞻  
日月而興懷敢忘紫禁惟身伏田野跡遠崑廊所以  
瞻戀空馳寒暄久曠茲者薰沐恭裁短楮敬布私衷  
伏惟治慈鑒亮某不任頌越惶恐之至

上山西相公啓

代作

伏以至人出世玉璣之德無私上相匡時衮衣之光  
有赫周禎降命于嶽神大昌姬曆漢道乞靈于昴宿  
克熾炎精文正著盛德于三朝則天門開朗忠獻見

御雲以五色而廟社重光蓋威鳳祥雲連時乃出方  
諸陽燧惟氣是求恭惟老相公老師閣下三晉人豪  
千秋國寶西京麗藻毫端奪參井之文章北斗儒宗  
門下總河汾之禮樂土風雄厚人物故自陶唐天性  
塞淵德器屹并山嶽黑髮而正公孤調和六氣朱顏  
而稱元老師表百僚周召同心輔一聖天子于冲年睿  
德蕭曹寧一奠我國家于累洽重熙華夷勲業異域  
猶問起居金石精誠婦堅咸知名姓是誠人文之巨  
觀儒者之極盛某學慙博物缶音而設厠雲門文未

成章魚目而仰于照乘偶徼大幸自貽片玉之羞濫  
在清班虛竊壺冰之號履禁地則黯爾覓搖窺秘書  
則茫然目眩處非其分每戴君相之恩如天揣已無  
能欲措臣子之躬無地頃因狗馬病作遂使麋鹿心  
生躡雙屐于青山頂頭敢忘魏闕結一椽于白雲堆  
裏未穩卑棲仰帝座于中天獨觀朗耀望台垣于半  
夜載喜昌明蓋乏才能而清華忝竊恐負乘之足羞  
荷知遇而林壑偷安念報恩之何日是以當中宵而  
傍徨每纜衣以踣躅願宿疾尚延孱弱蒲柳初心未



白梅傳 卷之十四 十一  
遂徒切傾葵雲泥之路邈隔鴻鯉之訊久踈念日比  
于懸旌罪詎堪以擢髮茲者敬肅蕪辭用候台履某  
不任云云

謝江陵相公啓 代作

伏以三台朗曜開妙氣于東華四海陽春酌太和于  
北斗捧卿雲于蓬島下方誰不生光升皦日于扶桑  
大地曾無私照昂宿匡時父老謳歌於西漢簫韶奏  
律遠臣鼓舞於南薰恭惟老相公閣下五嶽竒姿千  
秋間氣夔龍德望關洛儒宗正元宰以秉國樞萬方

延頸矢忠良以酬 帝眷百辟輸心陽和式通於遐  
阪枯朽遂沾乎汪澤某材同襪線職濫封疆三載吳  
門實深積勳一朝益部復忝新恩波臣龍子之鄉旣  
不能竭涓埃于東海蠶叢魚鳧之國又何由布威德  
于西陲是皆納垢包荒賴大人之偉度吹枯植朽荷  
玄造之至仁感惟刺骨言不宣心睹漲海之波濤雖  
去吳能無回首望連雲之棧閣將入蜀尚爾搖鳧叩  
帝闕其靡由彷彿天門之色仰台垣而徒切夢寐  
衮衣之光某不任欣躍感戴之至

謝吳門相公啓 代作

伏以龍德正中逢時則駕鴻庥遠彼翊運彌昌建神  
功于八柱何物非恩可真宰于三台有生胥戴恭惟  
老相公閣下河嶽竒英鳳屨異彩手握金杓調六氣  
于時令口吹玉律散四海以陽和某志切消埃材同  
瓦缶濫竿憲府秉鉞江壩三年東土媿保釐之無功  
再歷西陲荷恩榮之有赫時維七月流火之秋方興  
農事詎意大浸稽天之患陡作波臣慨稼穡之滄傷  
過深閉閣睹閭閻之苦涕析悲慙向隅是惟待罪而靡

皇敢冀蒙恩而濫擢茲皆賴師相念一日有龍門之  
雅或假二天于雁塔之私猜既屬于粉榆恩幸叨于  
樽散拜祭戟而消菟戀戀金闈之月望劔門而極目  
迢迢玉壘之雲口莫揄揚心知感激平生山斗中夜  
台垣某不任欣仰頂戴之至

謝浙江相公啓 代作

伏以天門日朗光照躬膺大地陽回春生幽谷當養  
扉命下極四海咸慶風雲荷丹昭遠來某一夫實先  
雨露顧寸心之感激詎尺素之能宣恭惟老相公閣

下東華靈寶北斗儒宗青年及第太中奏絳殿之雲  
黑髮公孤上相捧瑤天之日某河西庸品江左濫竽  
三載徒縻一官莫交并茲榮命益悚殊恩開府建牙  
已媿東方之千騎褰帷就道復慙西土之雙旌恩實  
深于吹噓感難忘乎銜結立吳門而擬疋練目極寬  
搯登劔閣而望三台形留神往某不任欣躍感戴之  
至

壽董大宗伯啓

代作

經世雄文會日月星辰之運匡時上宰調陰陽風雨

之和簡德業于帝心發英靈千嶽降恭惟上柱國  
大宗伯潯翁相公閣下天目奇姿文心鉅匠名成三  
策少年藉才子之稱賦就兩都一日貴長安之紙碧  
維金馬崇班清映乎水壺威鳳祥麟藻思光生乎彩  
筆遂登講幄佐盛德于青宮爰正秩宗掌邦禮于紫  
禁久勞廊廟士民仰北斗之尊暫夢煙霞遠近繫東  
山之望時屬三秋忻逢嘉節天高八月適誕偉人借  
桂輪以代華燭朱顏照見桃花取天樂以張瓊筵綠  
髮明于黛色交梨火棗供自西池仙曲雲謠傳來金

白梅  
卷之十四  
母蓋 皇明之運祚有赫知元老之壽考無疆某昔  
承人之作牧名邦朱門清燕數奉音徽綠野逍遙時  
陪杖屨仰德星之曜里藟洽椒蘭荷甘露之灑心義  
存金石遠自移官以來未嘗不感念疇昔陟香山之  
高標停雲而憶白傳望澄江之如練臨風以懷謝公  
伏惟壽比嵩高芳流竹素名齊綺皓位自伊周某不  
任忻忭瞻馳之至

疏

督府交代疏

代作

伏惟開府建牙實乃紀綱重地宣威布惠必須經略  
鴻材矧天梯石棧間關素號益都玉壘峨眉儉絕無  
如蜀道國家咽喉之處更重南中廟堂籌策之勞累  
動西顧是惟得人乃稱任使詎意宏恩謬及能材臣  
性資蠢直如計凡庸濫竽江左久玷烏府之榮秉鉞  
果方莫拯鯨波之害歲事多虞祇自深臣子尸曠之  
責民饑當卹旬未宜君父浩蕩之仁忽荷新恩益慙  
舊職蜀部關心已睹西人之旌節吳雲回首敢忘東  
土之黔黎戴天履地微誠願此于蟻蒙足國安邊編

力誓指乎犬馬春和秋肅仰希先哲之寬嚴內安外  
攘務布 朝廷之威德臣無任感激屏營之至爲此  
具本專差齋捧謹具奏聞

精于大... 和... 命... 之... 年...  
... 朝... 之... 臣... 任... 官... 之... 事...  
... 具... 事... 林... 諸... 具... 事...



